

Ditaodišo tša **Vula Bula** tše di beakantšwego go ya ka maemo ke tša mohuta wa tšona o nnoši ka ge tlhatlhamano ya tšona e theilwe go ya ka maleme a Afrika Borwa ka tlhago, moakanetšo wo o theilwego go ya ka tatelano ya tlhago le dinyakwa tša leteresi le polelo.



## Kgoboketšo ya dikanegelo • Mphato wa-2

- Kanegelo-17 Thušang!
- Kanegelo-18 Palesa o kae?
- Kanegelo-19 Re a bapala
- Kanegelo-20 Aa, Morena Kgabo!
- Kanegelo-21 Leino
- Kanegelo-22 Segwere se segolo
- Kanegelo-23 Lebenkeleng la diaparo
- Kanegelo-24 Moya le letšatši
- Kanegelo-25 Bolokela bokamoso
- Kanegelo-26 Ditumo tše tharo
- Kanegelo-27 Sopo ya maswika
- Kanegelo-28 Mmutla le khudu
- Kanegelo-29 Tau le legotlo
- Kanegelo-30 Re paka le koko
- Kanegelo-31 Toropo ya gešu
- Kanegelo-32 Afrika Borwa ya renā

Dikanegelo tše di beakantšwego go ya ka maemo di fa babadi menyetla ya go balā ka dihlopha, ka tlahlo, ka bobedi le ka botee go ya ka kwešišo ya medumo ya mantšu/go diriša mokgwā wa lebelela-o-bolela. Mafoko a bonolo le mantšu a tlwaelegilego di dira gore tšweletšo ya go balā e be ya ka pela.

Diswantšo tša go kgahla mahlo, tše feletšego  
di nolofatša kwešišo.

## Kgoboketšo ya dikanegelo



Sepedi

2

Mphato wa-

Leina la morutwana:

Mphato:

## TO PRINCIPALS AND TEACHERS

### What are these books?

This book is a collection of stories at the right level for your child's grade. The stories at the beginning of the book are easier to read than the stories at the end. This is for use in the classroom during group guided reading, paired reading and/or individual reading, as well as to be taken home for practice.

There is an anthology for each grade in Grades R-3. They are at the right level for most children in the grade.

### How do we use these books?

**1. For group guided reading:** At the beginning of the year the teacher does a quick individualised reading test with each child in order to place them in same-ability groups with other children who are at a similar reading level.

Every day the teacher spends 30 minutes on group guided reading where she uses the anthology with a group of 6-8 children. She should read with each group once or twice a week. She should start with the first story and have the children work through the following stories in the group as they progress. It is important that children read stories at their level. If they are struggling with a story (e.g. Story 17) they should move to an easier story (e.g. Story 16 or 15). During the lesson the children take turns to read aloud from the book, while the teacher listens carefully and helps them if they struggle. Some groups will find the earlier stories very easy; let those groups move on to more advanced level stories. Other groups need more time and more help before moving to the next story. If a group struggles with the very first story in the book, we recommend that you use the anthology from the previous year.

**2. For paired reading:** Children can take turns to quietly read a story to each other. They can do this while the teacher is working with a smaller group on the mat.

**3. For independent reading** in the class or at home: Children can sit and read stories silently on their own. Also send the book home with the children so they can practise reading at home. Tell the children to take the book home so their parents can help them to read it. There is a note at the end of the anthology guiding parents on how to use this book.

### Can children take the book home?

Yes! Children must take the book home, but they should bring it to school every day to read in class.

### What happens if children do not bring the book back to school?

Teach children how to look after their book and remind them to bring the book back to school each day. If a child forgets to bring the book from home, let the child share with someone else.

### What happens if children finish the stories for their grade?

Encourage children to read each story repeatedly until they are fluent before moving on to the next story. Use your judgement to decide if children are ready to move on to the next grade's book.

### Kgoboketšo ya dikanegelo • Mphato wa-1

Kanegelo-1	Yoo!
Kanegelo-2	Bala
Kanegelo-3	Aowal
Kanegelo-4	Dibopego
Kanegelo-5	Robala
Kanegelo-6	Dikologa
Kanegelo-7	Kotsi!
Kanegelo-8	Re a neela
Kanegelo-9	Co sebelana
Kanegelo-10	Kolomaka
Kanegelo-11	Tate o lela Nana
Kanegelo-12	Molodi
Kanegelo-13	Legae
Kanegelo-14	Leotwana ke la mang?
Kanegelo-15	Leeto
Kanegelo-16	Lefasetere le thubegile

### Kgoboketšo ya dikanegelo • Mphato wa-3

Kanegelo-33	Lesokisi le le timetšego
Kanegelo-34	Selai sa mafelelo sa kuku
Kanegelo-35	O tlo dira eng gape?
Kanegelo-36	Seswantšho sa dibopego
Kanegelo-37	Tate moledi wa Nana
Kanegelo-38	Co neela go botse
Kanegelo-39	Sedikologi
Kanegelo-40	Sephiri
Kanegelo-41	Re hloka thušo hle!
Kanegelo-42	Yoo! Palesa ga a boe!
Kanegelo-43	Kherotše ye kgolo la go šiša
Kanegelo-44	Khuta ke go humane
Kanegelo-45	Co hlakahlakane!
Kanegelo-46	Ke leotwana la mang le?
Kanegelo-47	Ke mang yo a thubilego lefasetere?

Kanegelo-48	A re pakeng le makgolo
Kanegelo-49	Ke mang yo a dulago mo?
Kanegelo-50	Sopo ya maswika
Kanegelo-51	Theeletša mmimo
Kanegelo-52	Dineo o ya go reka
Kanegelo-53	Aq, Morena Kgabol
Kanegelo-54	Ngangišano ya moyo le letšatši
Kanegelo-55	Re loketše go tšeа leeto
Kanegelo-56	Bošego ka polaseng
Kanegelo-57	Tšošane le tšie
Kanegelo-58	O amogetšwe toropong ya gešu
Kanegelo-59	Mmutla le khudu
Kanegelo-60	Diphoofolo tša batsomi
Kanegelo-61	Ditumo tse tharo
Kanegelo-62	Le ke leino la mang?
Kanegelo-63	Tau le legotlo
Kanegelo-64	Afrika Borwa ya rena

### Kgoboketšo ya dikanegelo • Mphato wa-2

Kanegelo-17	Thušang!
Kanegelo-18	Palesa o kae?
Kanegelo-19	Re a bapala
Kanegelo-20	Aq, Morena Kgabol!
Kanegelo-21	Leino
Kanegelo-22	Segwere se segolo
Kanegelo-23	Lebenkeleng la diaparo
Kanegelo-24	Moya le letšatši
Kanegelo-25	Bolokela bokamoso
Kanegelo-26	Ditumo tše tharo
Kanegelo-27	Sopo ya maswika
Kanegelo-28	Mmutla le khudu
Kanegelo-29	Tau le legotlo
Kanegelo-30	Re paka le koko
Kanegelo-31	Toropo ya gešu
Kanegelo-32	Afrika Borwa ya rena

# GO BARUTIŠI LE DIHLOGO TŠA DIKOLO

## Ke dipuku tša eng?

Puku ye ke kgoboketšo ya dikanegelo tše di lego maemong a maleba a bana ba gago. Dikanegelo tša mathomo di bonolo go bala go feta tša mafelelo. Di diriswa ka phapošing borutelo ka nako ya go bala ka tlhahlo ya barutwana ka bontši, ka bobedi goba ka botee le gore morutwana a ka ya le yona gae go dira boitlwaešo.

Go na le kgoboketšo ya dikanegelo mphato mongwe le mongwe go tloga Phato 1 go ya 3. Di maemong a lekanego bana ka bontši mphatong woo. Sekolong sa gago go ka no ba go na le dikanegelo tše dingwe tša go bala ka tlhohlo Mphatong wa motheo. Kgoboketšo ye e ka ba ya tlaleletšo. Le tšwele pele go reka dikanegelo tša tlaleletšo go ya ka tekanyetšo ya lena ya LTSM.

## Dikanegelo tše di dirišwa bjang?

**1. Go bala ka tlhahlo ka dihlopha:** Mathomong a ngwaga morutiši o dira molekwana wa ka pejana wa go bala ka botee go ka beakanya bana ka dihlophana tša go maemo a go swana ka go bala.

Tšatši ka tšatši morutiši o tsea metsotso ye 30 go bala ka tlhahlo a diriša kgoboketšo ya dikanegelo le bana ba e ka ba go magareng a 6-8. A ka bala le bana gabedi ka beke. A thome ka kanegelo ya pele a dumelele bana go tšwela pele ka dihlophana dikanegelong tše di latelago. Ke maswanedi gore bana ba bale dikanegelo go ya ka maemo a bona a go bala. Ge bana ba hwetša bothata go bala kanegelo ye e itšego (mohlala kanegelo 17) ba ka bala ye bonolo (mohlala kanegelo 16 goba 15). Bana ba bale ka go šielana ba balela godimo, morutiši a theeleditše le go ba thuša mo ba hlokago thušo. Dihlophana tše dingwe go tlo ba bonolo mola tše dingwe di hwetša bothata. Tseo di sa hwetšego bothata di ka tšwela pele go bala dikanegelo tša maemo a go dingwana. Ge dihlophana di hwetša bothata ka kanegelo ya pele baka thoma ka kgoboketšo ya dikanegelo tša ngwaga wa go feta.

**2. Go bala ka bobedi:** Bana ba ka bala ka go šielana go balelana dikanegelo. Ba ka dira bjalo morutiši a le gare a thuša dihlophana tše nyenyane tše di dutšego fase phateng.

**3. Go bala ka botee ka phapošing borutelo gaba ka gae:** Bana baka balela teng. Bana baka dumeliswa go ya le dipuku gae go direla gore ba kgone go itlwaeša go bala ka gae. Dumelisa bana go ya le dipuku tša kanegelo gae gore batswadi ba kgone go ba thuša go bala. Mafelelelong a ka kgoboketšo ya dikanegelo go na le mo batswadi ba ka hwetšago thušo ya gore baka diriša bjang puku ye.

## A bana ba ya gae le puku?

Ee! Bana ba swanetše go ya gae le puku, fela ba swanetše go tla le yona sekolong tšatši ka tšatši gore bakgone go bala ka phasing borutelo.

## Go diregang ge bana ba sa tle le puku sekolong?

Ruta bana gore puku e swarwa bjang, le gona o ba gopotše gore ba tle le yona sekolong tšatši ka tšatši. Ge ngwana a lebetše puku gae e re a badišane le yo mongwe.

## Go diragalang ge bana ba feditše dikanegelo tša ngwaga?

Hlohleletša go bala kanegelo ka nngwe leboeletša go fihlela ba e ba le bokgone pele baka fetela kanegeno ye e latelago. Diriša maitemogelo a gago go bona gore bana ba ka fetela pukung ya mphato wo o latelago.

# Diteng

## Kgoboketšo ya dikanegelo • Mphato wa 2

Kanegelo-17	Thušang!	1
Kanegelo-18	Palesa o kae?	II
Kanegelo-19	Re a bapala	2I
Kanegelo-20	Aa, Morena Kgabo!	3I
Kanegelo-21	Leino	4I
Kanegelo-22	Segwere se segolo	5I
Kanegelo-23	Lebenkeleng la diaparo	60
Kanegelo-24	Moya le letšatši	70
Kanegelo-25	Bolokela bokamoso	80
Kanegelo-26	Ditumo tše tharo	90
Kanegelo-27	Sopo ya maswika	100
Kanegelo-28	Mmutla le khudu	110
Kanegelo-29	Tau le legotlo	120
Kanegelo-30	Re paka le koko	130
Kanegelo-31	Toropo ya gešu	140
Kanegelo-32	Afrika Borwa ya rena	150



Kgoboketšo ya Motheo wa fase  
E gatišitšwe ka 2018 ke Molteno Institute for Language and Literacy  
E lefeletšwe ke Zenex Foundation

### Kgoboketšo ya dikanegelo: Mphato wa 2

- Morulaganyi wa molokoloko: [Jenny Katz](#)
- Bangwadi ba ditaodišo: [Mirna Lawrence le Jenny Katz](#)
- Ka morago ga go bala dipotšišo tša tekahlaloganyo le mešomo: [Jenny Katz](#)
- Barulaganyi ba polelo ya Sepedi: [Takalani T. Maligavhada le Thelma Dlamini](#)
- Baswantšhi: Thušang!, Moya le letšatši, Tau le legotlo - [Marleen Visser](#)
  - Palesa o kae?, Sopo ya maswika, Toropo ya gešu - [Shayle Bester](#)
  - Re a bapala, Segwere se segolo, Lebenkeleng la diaparo - [Sandy Lightley](#)
  - Aa, Morena Kgabo!, Ditumo tše tharo, Tau le legotlo - [Vusi Malindi](#)
  - Leino - [Rob Owen](#) • Bolokela bokamoso, Mmutla le khudu - [Sandy Campbell](#)
  - Re paka le koko - Diswantšho: [Umuzi Photo Club](#) (re lebeša ditebogo tše tseneletšego go ba ba latelago:
- Evelyn Seipati Selema, Birdie Nkuwe Bambo le Kololo Phasha)
- Afrika Borwa ya rena - Marleen Visser (matlakala xx no-xx); Diswantšho: [iCLIPART.com](#) (*phenkwinil*), Schalk Viljoen (*galejone*)



Creative Commons Attribution-  
NonCommercial-NoDerivatives (CC  
BY-NC-ND) 4.0 International Licence

Disclaimer: You are free to download and share this work as long as you attribute the Molteno Institute for Language and Literacy, but you may not change this work in any way or use it commercially.


Kalo le moakanjetšo: [Resolution le Funda Wande](#)

© 2018 Molteno Institute for Language and Literacy  
Website: [www.vulabula.co.za](http://www.vulabula.co.za)



ISBN 978-1-77580-727-8

# Kanegelo-l7



# Thušang!

**Mantšu a go balwa ka go lemogwa (poeletšo)**  
yoo, tla

**Lentšu le go balwa ka go lemogwa**

swere

**Medumo (poeletšo)**


ng, ts

**Medumo**


hl (mohlare, hlagelela, hlokege)

ny (nonyana, nyaka, nyamile)

th (thušang, thuša, thuše, thabile)




Katse e bona nonyana godimo ga  
mohlare. Katse e nyaka go ja  
nonyana. Ya namela mohlare.



Thušang! Katse e gakanegile godimo  
ga mohlare.


Mimi a hlagelela. O ya go thuša.  
O namela mohlare.



Thušang! Katse le Mimi ba gakanegile  
godimo ga mohlare.


Pakiso a hlagelela. O ya go thuša.

O namela mohlare.




Thušang! Katse, Mimi le Pakisi ba  
gakanegile godimo ga mohlare.

Sesi Rina a hlagelela. O ya go thuša.  
O namela mohlare.



Thušang! Katse, Mimi, Pakiso le sesi  
Rina ba gakanegile godimo ga mohlare.  
Malome Soli a hlagelela.  
A goma. O ya kae?  
Ba nyamile. Ba ka dira eng?




Malome Soli o tla a swere leri.

Mimi, Pakiso le sesi Rina ba thabile.

‘Malome Soli, re a leboga!

Yoo, bona katse! E fologile!’




'Wena katse, o re dirile eng?  
Go be go sa hlokege gore re go thuše!  
Re ka se sa leka go go thuša!'


# Mošomo

Beakanya diswantšho go ya ka tatelano ya taodišo.


A




B




C




D  
1




E



F



# Palesa o kae?



**Mantšu a go balwa ka go lemogwa (poeletšo)**  
kae, yoo, aa

**Mantšu a go balwa ka go lemogwa**

segwagwa

nna

boima


**Medumo (poeletšo)**  
ee, ts

**Medumo**

kg (kgamelo, kgolo, kgabiša, kga)  
tš (letšatši, botšiša, matšoba)




'Dumela, segwagwa. Ke nna Palesa.  
Ke na le kgamelo e kgolo.  
Ke latile meetse.  
Bašomi ba letile meetse.  
Ke kgabiša mobu go se nene.'



Bašomi ba lapile. Ba šoma kudu.  
Lehono letšatši le a fiša.  
Ba letile meetse.

‘Palesa o kae?’ ba botšiša.




'Dumela, leobu. Ke nna Palesa.  
Ke na le kgamelo e kgolo.  
Ke latile meetse.  
Bašomi ba letile meetse.  
Ke kga matšoba go se nene.'



Bašomi ba lapile. Ba šoma kudu.  
Letšatši le fiša kudu.  
Ba letile meetse.

‘Palesa o kae?’ ba botšiša.




'Dumela, kodutala. Ke nna Palesa.  
Ke na le kgamelo e kgolo.  
Ke latile meetse.  
Bašomi ba letile meetse.  
Ke sa goga moyo go se nene.'



Bašomi ba lapile. Ba šoma kudu.  
Letšatši le fiša kudu-kudu.  
Ba letile meetse.

‘Yoo! Ekaba Palesa o kae?’  
ba botšiša.



Palesa šo. Le meetse šea.


Ge a bona bašomi a re, 'Yoo!  
Meetse a boima. Ke šomile kudu.  
Ke lapile kudu!'

**AA! PALESA!**

## Mošomo

Ke lefoko lefe le nyalanago le seswantšho?

1.




- A Palesa o šoma kudu.
- B Palesa o kgabiša mobu.
- C Palesa o kga matšoba.

2.




- A Bašomi ba goga moya.
- B Bašomi ga ba leta meetse.
- C Bašomi ba šoma kudu.

3.



- A Meetse šea.
- B Palesa ga a lata meetse.
- C Palesa o boile ka pela.


4.



- A 'Dumela, segwagwa.'
- B 'Dumela, leobu.'
- C 'Dumela, kodutala.'

Kanegelo-Iq

# Re a bapala



**Mantšu a go balwa ka go lemogwa (poeletšo)**  
tlo, tša, kae

**Mantšu a go balwa ka go lemogwa**

nna

etla

mma

nkhumana


**Modumo (poeletšo)**

ng

**Medumo**

kh (Kholofelo, khuta, khutilego)

ny (nyaka, monyenyane, mofenyi)



Kholofelo a re, ‘A re bapale.  
Re bapala papadi e bose.  
Ge ke bala lena le ye go khuta.’



‘Ke a bala. Eyang go khuta! Nna ke tlo le nyaka,’ go bolela Kholofelo.


Tebogo, mošimane yo monyenyané,  
o bapala le bona. Fela ga ba bone.



'Ke etla, ke etla ...

Ke bone mo o khutilego gona.


Ke go humane, Sam! Esla, a re ye,  
go bolela Kholofelo.




'Ke etla, ke etla ...

Ke bone mo o khutilego gona.

Ke go humane, Jen! Etla, a re yeng,'  
go bolela Kholofelo.




'Ke etla, ke etla ...  
Ke bone mo o khutilego gona.  
Ke go humane, Meg!  
Lena ba bararo, ke le humane.  
Go bile bose,' go bolela Kholofelo.



Ke nako ya dijo tša mosegaré.

Kholofelo a re, ‘Ke bile le papadi  
ye bose. Ke mofenyi. Ke le humane  
ka moka!’

Mma a re, ‘Tebogo o kae?’



'Ga se wa re humana ka moka.  
Nna ga se wa nkhumana!' go bolela  
Tebogo, a le ka fase ga tafola!

## Mošomo

Go be go khutile mang lifelong lengwe le lengwe?



Sam



Jen



Meg



Tebogo

1. \_\_\_\_\_ o khutile  
moraleng.



2. \_\_\_\_\_ o khutile  
phapošing ya bojelo.



3. \_\_\_\_\_ o khutile  
phapošing ya borobalelo.



4. \_\_\_\_\_ o khutile  
phapošing ya boiketlo.



# Aa, Morena Kgabo !



**Mantšu a go balwa ka go lemogwa (poeletšo)**

aa, tla

**Mantšu a go balwa ka go lemogwa**

borotho

tlala


tšeа

**Medumo (poeletšo)**

ng, ts

**Modumo**

kg (Kgabo, Kgadi, kgopela, kgale)




Morena Kgabo o etela Kgadi Kgabo.  
Kgadi Kgabo o pakile borotho.  
O bo bea godimo ga lefasetere gore  
bo fole. A bea le kase.

Morena Kgabo o  
tla le maloba.  
O bolawa ke tlala.  
  
'Dumela, Kgadi.  
Re ka ja?' o a  
kgopela.



Kgadi Kgabo  
o sa itokiša.



Morena Kgabo ke kgale a letile.  
O dupelela borotho. O dupelela  
kase. Ga go selo ka maleng.  
A di tšeа a ja!



Kgadi Kgabo o sa itokiša.  
O rata go bonagala a le botse.  
O itebelela ka seiponeng.

'Re ka ja?' ke Morena Kgabo.  
Kgadi Kgabo o sa itokiša.



Mala a Morena Kgabo a sa galala dijo.  
O ja borotho le kase gape!



Kgadi Kgabo o sa itokiša ...  
Morena Kgabo o sa ja ...

Kgadi Kgabo o lokile.

‘Tsena re je,’ o amogela Morena Kgabo.

‘Ke je gape? Ga ke sa ja!’ go bolela Morena Kgabo.

Aa! O jele dijo ka moka!




‘Maitapišo a ka,’ Kgadi Kgabo o bolela a tenegile.

‘Ke go memile la mafelelo!’


## Mošomo

Lefoko le bolela ka mang – Morena Kgabo goba Kgadi Kgabo?



A

Kgadi Kgabo



B

Morena Kgabo

1. O tla le maloba. \_\_\_\_\_
2. O pakile borotho. \_\_\_\_\_
3. O sa itokiša. \_\_\_\_\_
4. O letile nako ye telele. \_\_\_\_\_
5. O jele dijo ka moka! \_\_\_\_\_
6. O tenegile. \_\_\_\_\_

# Leino



**Lentšu le go balwa ka go lemogwa (poeletšo)**

**yeo**

**Mantšu a go balwa ka go lemogwa**

diphoofolo

mankgagane

legotlo

**Modumo (poeletšo)**

**ts**




Tumelo o bona leino. A le topa.  
‘E ka ba ke leino la mang le?’  
O nagana go ka humana karabo.



Tumelo o lebelela gare ga puku ya  
diphoofolo.

O bona nogá. O lekola meno a yona.  
Meno a nogá a fapane le le.  
Leino le ga se la nogá.

## Ditau




Tumelo o bona tau.  
O lekola meno a yona.  
Meno a tau a fapane le le.  
Leino le ga se la tau.



Tumelo o bona legotlo.  
O lekola meno a lona.  
Meno a legotlo a fapane le le.  
Leino le ga se la legotlo.



Tumelo o bona mankgagane.  
O lekola meno a wona.  
Meno a mankgagane a fapane le le.  
Leino le ga se la mankgagane.



Tumelo o bona nose.  
O lekola meno a yona.  
Nose ga e na meno!  
E na le leleme fela.  
Leino le ga se la nose.



Ka nako yeo ke ge Lebo a tsena.  
A re, ‘Dumela, Tumelo. Ga re ye  
go bapala! ’

Tumelo o lekola meno a Lebo.  
O humane karabo!

# Mošomo

Nyalanya mantšu le seswantšho ka nepagalo.

1. leleme la nose



2. meno a tau



3. meno a mankgagane



4. meno a nogā



5. meno a Lebo



6. meno a legotlo



Kanegelo-22

# Segwere se segolo



**Mantšu a go balwa ka go lemogwa (poeletšo)**  
aowa, yoo, nna

**Mantšu a go balwa ka go lemogwa**

morwa

mmagwe


**Medumo (poeletšo)**  
ng, ny, th, ts

**Medumo**

gw (segwere, digwere, mmagwe)

tl (tle, legotlo, tla)

SW (swara, swarelela, swanelala)



Molemi Maleka o be a lemile merogo.  
Merogo e lokile. Ka masa a ya go buna.  
A buna ditamati ka moka. A buna  
dilethase ka moka. A buna ditapola ka  
moka. A buna le digwere ka moka.  
Aowa, e sego ka moka ...





Segwere sa mafelelo sa šalela ka mobung. Molemi Maleka a goga segwere. A se goga, a se goga. A se goga gape! Sa ganelela ka mobung. ‘Yoo! Segwere se ke se segolo kudu,’ o a nagana.

Molemi Maleka  
a re mosadi a  
tle go mo  
thuša. Mosadi  
a mo swara ka  
dinoka. Ba se  
goga. Fela  
segwere sa  
ganelela ka  
mobung.



Ba re morwa  
a tle go ba  
thuša. Morwa  
a swarelela  
mmagwe. Ba  
se goga. Fela  
segwere sa  
ganelela ka  
mobung.

Ba re kolobe e  
tle go ba thuša.  
Kolobe ya  
swarelela  
morwa. Ba se  
goga. Fela  
segwere sa  
ganelela ka  
mobung.



Ba re katse  
e tle go ba  
thuša. Katse  
ya swarelela  
kolobe. Ba se  
goga. Fela  
segwere sa  
ganelela ka  
mobung.

'Ke sebaka re goga. Segwere se ke se  
segolo kudu!' ba bolela ba belaela.

Ke ge katse e re legotlo le tle go ba  
thuša. Legotlo la tla ka makoko.  
La swarelela katse.



Ka moka ga bona ba goga segwere.  
Ba se goga, ba se goga,  
ba se go-o-o-o-ga, ke ge ...



## Segwere se TUMOGA!

Legotlo la ipetha sehuba la re,  
‘Ge le nyaka thušo gape le tla  
swanela go bolela le nna!’

# Mošomo

Diriša mantšu a ka mapokising go tlatša dikgoba mafokong.

A




Morwa

B



Mosadi

C



Molemi Maleka

D



Katse

E



Legotlo

F



Kolobe

G



Segwere

1. \_\_\_\_\_ a buna merogo.

2. \_\_\_\_\_ sa ganelela ka mobung.

3. \_\_\_\_\_ ya swarelela kolobe.

4. \_\_\_\_\_ a swarelela molemi.


5. \_\_\_\_\_ ya swarelela morwa.

6. \_\_\_\_\_ a swarelela mmagwe.

7. \_\_\_\_\_ la ipetha sehuba.

Kanegelo-23

# Lebenkeleng la diaparo



**Mantšu a go balwa ka go lemogwa (poeletšo)**  
tlo, nna, aowa

**Mantšu a go balwa ka go lemogwa**

gagwe

monna

gempe

**Medumo (poeletšo)**

hl, kg, kh, ng, th, ts, tš

**Medumo**


**mm** (mma, mmala, mmini, mmalo)

**nk** (lebenkeleng, nko, dipinki)

Ke mafelelo a beke. Lehono ba lapa ba reka diaparo lebenkeleng la diaparo.



Mma o hloka dieta. O leka mebala ya go fapano. O rata tša mmala wa gauta. O ema pele ga seipone. O a dikologa. O ipona e le mmini!



Tate o hloka digalase tša letšatši. Tša gagwe tša kgale di thubegile. O leka mehuta ya go fapano. O ema pele ga seipone. Ke tše botse! A ipona e le seopedi sa go tuma!



Koko o hloka mongatse wa go apara ge  
a ya kerekeng. O rata wa mmala wa  
namune wa go ba le lefofa. A ema pele  
ga seipone. A ipona e le kgošigadi!



Rakgolo o hloka sekhafo sa marega.  
O rata sa ulu, sa methaladi. Se tlo  
mo ruthufatša ka sehla sa marega.  
A se apara a ema pele ga seipone.  
A ipona e le monna wa maemo!



Kgaetšedi o hloka masokisi. O rata tša  
mebalabala tša go sepelelana le  
mebala ya diaparo tša gagwe kamoka.  
A ema pele ga seipone. A ipona e le  
seopedi sa go tuma!



Buti o hloka gempe. O leka tša mebala ya go fapano. O rata ya botalamorogo ya go ba le dikonopi. A ema pele ga seipone. A emiša nko. A ipona e le lesogana la maemo!



Lapa ka moka le reka diaparo.

‘Mmalo! Ke Dineo fela yo a sa  
humanago selo,’ go bolela mma.


Ke ge Dineo a re, ‘Aowa, bonang!  
Le nna ke reka diaparo – tše dipinki!’

# Mošomo

Motho ka o tee o be a leka eng ka lebenkeleng?  
Tlatša dikgoba mafokong.



sekhafo



gempe




masokisi



dieta



diaparo tše pinki



mongatse



digalase

1. Mma o leka \_\_\_\_\_ ka lebenkeleng.
2. Tate o leka \_\_\_\_\_ ka lebenkeleng.
3. Koko o leka \_\_\_\_\_ ka lebenkeleng.
4. Rakgolo o leka \_\_\_\_\_ ka lebenkeleng.
5. Kgaetšedi o leka \_\_\_\_\_ ka lebenkeleng.
6. Buti o leka \_\_\_\_\_ ka lebenkeleng.
7. Dineo o leka \_\_\_\_\_ ka lebenkeleng.

Kanegelo-24

# Moya le letšatši



**Mantšu a go balwa ka go lemogwa (poeletšo)**  
kae, tlo, nna

**Mantšu a go balwa ka go lemogwa**

maatla

nka

tiiša

hlompha

**Medumo (poeletšo)**  
ee, hl, kg, ng, ny, th, ts, tš

**Modumo**

ll (mollo, konopolla, bofolla)




Moya le letšatši di be di ngangišana.

'Ke na le maatla go feta wena. Ke wiša mehlare,' moyo o bolela ka go ikgogomoša.'

'Ke go feta ka maatla,' go fetola letšatši.  
'Nka fiša lešoka le ka moka.'

'Nka fokela mollo mo ke ratago, wa fiša naga ye ka moka,' go bolela moyo.



Ba le gare ba ngangišana, lesogana la feta le apere baki.

‘A re emiše go ngangišana re dire teko,’ go bolela moyo. ‘Yo a ka dirago gore lesogana lela le hlobole baki ke yena mofenyi.’

‘Go lokile,’ go bolela letšatši. ‘Ga e be wena wa pele.’



Moya wa go tonya wa foka ka lebelo.  
Wa dira gore lesogana le roromele.

Moya wa foka kudu. Mongatse ya  
lesogana ya fofela godimo. Lesogana la  
konopela dikonopi gore baki e se fofe.

Moya wa foka kudukudu. Lesogana la  
tiiša baki gore e se fofe.



Moya wa lapa.

‘Wena bona ka mo o ka dirago ka gona,’  
moya o botša letšatši.



Letšatši la ruthela. Mororomelo wa  
lesogana wa ema.

Letšatši la fiša. Lesogana la konopolla  
baki, la bofolla thai.

Letšatši la fiša kudu. Go se go ye kae  
lesogana la hlobola baki.



Lesogana la iša pele le leeto go  
fihlela le dikela.



Moya wa lebelela letšatši wa re,  
‘O nepile, o na le maatla go feta nna.  
O mofenyi.’

Letšatši la fetola la re, ‘Ke a leboga,  
Moya. Le wena o na le maatla a  
magolo. Ke tlo go hlompha ka mehla.’

# Mošomo

Bapetša seswantšho 1 le seswantšho 2. Phapano ke efe?

1



2



Kanegelo-25

# Bolokela bokamoso



**Mantšu a go balwa ka go lemogwa (poeletšo)**

**tlala, tlo**

**Mantšu a go balwa ka go lemogwa**

tšhošane

dikenywa

dikhunkhwane

phošo

**Medumo (poeletšo)**

**hl, kg, ng, ny, th, ts, tš**



Fase ga thaba go be go dula nonyana,  
serunya, segokgo, tšhošane le tšie.

Ka sehla sa selemo tšhošane e šomile  
kudu go kgoboketša dijo tša marea.

Tšie yona e be e dulela go bapala, go  
opela ebile e bina.





Nonyana ya bona tšošane e šoma.

‘O dira eng?’ nonyana e a botšiša.

‘Ke kgoboketša mabele a go ja marega,’  
go araba tšošane.

Nonyana le yona ya nagana go  
kgoboketša dipeu le dikenya.





Serunya sa bona tšošane e šoma.  
‘O dira eng?’ serunya se a botšiša.

‘Ke kgoboketša mabele a go ja marega,’  
go araba tšošane.

Serunya le sona sa nagana go  
kgoboketša diboko.






Segokgo sa bona tšošane e šoma.

‘O dira eng?’ segokgo se a botšiša.

‘Ke kgoboketša mabele a go ja marega,’  
go araba tšošane.

Segokgo le sona sa nagana go  
kgoboketša dikhunkhwane.



Tšie ya bona  
tšhošane e šoma.  
'O dira eng?' tšie  
e a botšiša.

'Ke kgoboketša  
mabele a go ja  
marega,' go  
araba tšhošane.



Tšie ya bona e se  
kgopolو ye botse.

Ya re go tšhošane,  
'Ke mošomo wa go  
tena. Ke lebaka  
mang la gore o  
šome e le gore o  
ka diriša nako ye  
go bapala, go  
opela le go bina?'



Marega a fihla. A tonya. Dimela tša oma.

Nonyana, serunya, segokgo le tšošane  
di thabile. Di na le dijo tšeо di di  
kgobokeditšego.

Tšie ga e na dijo. Ya bolawa ke tlala.



Tšie ya kgopela dijo go tšošane.

‘Ge re kgoboketša dijo, wena o be o bapala, o opela ebole o bina,’ tšošane ya gopotša tšie.

‘Ke dirile phošo. Ke tlo ikgobokeletša dijo tša marega,’ go bolela tšie.

Tšošane ya bona gore tšie e humane thuto, ya abelana dijo le yona.

## Mošomo

Ke tsela efe ye sengwe le sengwe sa dibopiwa se itokišeditšego marega ka yona? Nyalanya seswantšho le lefoko ka nepagalo.

1.



tšošane

2.



nonyana

3.



serunya

4.



segokgo

5.



tšie

A se kgobokeditše  
dikhunkhwane

B se kgobokeditše  
diboko

C ga se ya  
kgoboketša selo

D e kgobokeditše  
mabele

E e kgobokeditše  
dipeu le  
dikenywa

# Ditumo tše tharo



**Mantšu a go balwa ka go lemogwa (poeletšo)**

gae, kae, nna, yeo, lla

**Mantšu a go balwa ka go lemogwa**

gagwe

ntlogela

iphe


**Medumo (poeletšo)**

ee, hl, kg, ng, th, ts, tš

**Medumo**

tl (maleatlala, tlo, setlatla, tloša)

ntš (mantšiboa, sentše, ntše)



Kgale moremi wa mehlare o bone mohlare  
wo mo botse wa go makatša lešokeng.

Ge a emiša selepe gore a o reme, mohlare  
wa re, ‘Ema! Ke mohlare wa maleatlala!  
Ge o ka ntlogela ke tlo go fa dilo tše  
tharo tše o di dumago.’

Moremi a makala fela a dumela.



Ge moremi a fihla gae, a botša mosadi wa gagwe ka mohlare wa maleatlala.

‘Dilo tše tharo tše o di dumago,’ mosadi a thabela ditaba tšeо. ‘Re ka duma eng? A re gopodišiše taba ye. Re iphe nako ya go nagana.’



Moremi le mosadi ba dula fase go ja dijotša mantšiboa.

Moremi a re, ‘Mmm, dijo tše bose. Ke duma e ke go ka ba le boroso ye bose ...’

Go se go ye kae, boroso ye kgolo ye botse ya wela godimo ga tafola.



‘O sentše tumo e tee! Setlatla se!’  
mosadi o bolela ka kgalefo.

‘O se bolele le nna ka tsela yeo,’ go  
fetola moremi. ‘E ke boroso ye e ka  
kgomarela sefahlego sa gago!’

Go se go ye kae, boroso ya kgomarela  
sefahlegong sa mosadi.



'Bona! Tloša boroso ye sefahlegong  
sa ka!' mosadi o bolela a lla.

Ba e goga, ba e goga, ba e goga gape ...  
fela boroso ya ganelela.


'Tumo ya bobedi le yona e ile. Ke tlo dira  
eng?' o bolela dikeledi di falala.



Ge mosadi a ntše a lla, moremi a nagana  
selo se tee fela se a ka se dirago.

'Ke duma e ke boroso ye e ka boela  
tafoleng,' a bolela.


Go se go ye kae, boroso ya boela tafoleng.



Moremi wa mehlare le mosadi ba ja  
dijo tša mantšiboa tše bose, e lego  
borotho le boroso.

## Mošomo


Ke mang yo a bolelago mantšu a – moremi goba mosadi wa gagwe?



1. 'Re iphe nako ya go nagana.' \_\_\_\_\_
2. 'Ke duma e ke go ka ba le boroso ye bose.' \_\_\_\_\_
3. 'O sentše tumo e tee. Setlatla se!' \_\_\_\_\_
4. 'E ke boroso ye e ka kgomarela sefahlegong sa gago!' \_\_\_\_\_
5. 'Tloša boroso ye sefahlegong ya ka!' \_\_\_\_\_
6. 'Ke duma e ke boroso ye e ka boela tafoleng.' \_\_\_\_\_

Kanegelo-27

# Sopo ya maswika



**Lentšu le go balwa ka go lemogwa (poeletšo)  
digwere**

**Mantšu a go balwa ka go lemogwa**

tšhela


letsawai

**Medumo (poeletšo)**


ee, hl, kg, ll, ng, ny, sw, tl, ts, tš

**Modumo**


**ngw** (lengwe, mongwe, sengwe, dingwe)



Ka lengwe la matšatši mosepedi yo a bego a na le tlala o fihlile motseng wo mongwe. A kgopela dijo. Go be go se na yo a bego a na le dijo tše lekanego go ka abelana le yena.



Mosepedi a humana pitša. A gotša  
mollo a bea pitša mollong. A tšhela  
meetse ka pitšeng. A bona maswika  
a magolo a boreledi, a tsenya ka  
pitšeng. A emela meetse gore a bele.




Mosadi a batamela go bona se  
mosepedi a se apeago.

‘Ke apea sopo ya maswika. E ke go ka  
ba le se sengwe se se ka dirago gore  
sopo ye e be le tatso,’ mosepedi a realo.

‘Ke na le digwere,’ go bolela mosadi.


Mosepedi a di tsenya ka pitšeng.



Mosadimogolo a batamela go bona se mosepedi a se apeago.

‘Ke apea sopo ya maswika. E ke go ka ba le se sengwe se se ka dirago gore sopo ye e be le tatso,’ mosepedi a realo.


‘Ke na le dieiye,’ go bolela mosadimogolo. Mosepedi a di tsenya ka pitšeng.



Mosetsana a batamela go bona se  
mosepedi a se apeago.

‘Ke apea sopo ya maswika. E ke go ka  
ba le se sengwe se se ka dirago gore  
sopo ye e be le tatso,’ mosepedi a realo.


‘Ke na le ditapola,’ go bolela mosetsana.  
Mosepedi a di tsenua ka pitšena.



Modiši a batamela go bona se mosepedi a se apeago.

‘Ke apea sopo ya maswika. E ke go ka ba le se sengwe se se ka dirago gore sopo ye e be le tatso,’ mosepedi a realo.

‘Ke na le nama le letswai,’ go bolela modiši. Ba di tsenya ka pitšeng.



'Sopo ya ka ya maswika e lokile,' go bolela mosepedi. A fa badudi ka moka sopo.

Mmmm... Ke sopo ye bose ya go feta disopo tše dingwe tše ba kilego ba di ja.

Ke mang yo a bego a nagana gore go ka ba le sopo ye bose ya maswika!

# Mošomo

Ke didirišwa dife tše dirišitšwego go dira sopo ya maswika?  
Ngwala lenaneo la tšona.

1



pherefere

2



letswai

3




nama

4



dieiye

5



lee

6



dinawa

7



lebese

8



digwere

9



ditamati

10



ditapola

11



pathanathe

12



meetse

Kanegelo-28

# Mmutla le khudu



**Mantšu a go balwa ka go lemogwa (poeletšo)**

diphootholo, kae

**Mantšu a go balwa ka go lemogwa**

dingwe

thutlwā

ntlo


phadišano

**Medumo (poeletšo)**

ee, hl, kg, kh, mm, ng, ny, th, tl, ts, tš


**Modumo**

kw (kwera, kwele, malokwane, nakwana)



Go be go na le mmutla wa makoko. O ikgogomoša o re wona o na le lebelo le legolo. O be o o fela o kwera diphoofolo tše dingwe.

O fela o re, ‘Wena kubu, wena thutlwa le wena tlou, le na le mebele e megolo, ebole e ya le imela. Wena khudu, o sepela ka go nanya, o pepile ntlo.’



Morago ga matšatši a se kae, khudu ya bolela ka bogale ya re, ‘Mmutla, tlogela makoko. Le wena ba ka go šia.’

Mmutla wa sega wa re, ‘O reng? Ke go kwele gabotse? Go lokile, ga re bone gore wa lebelo ke ofe gare ga ka le wena.’



Ka le le latelago, mmutla le khudu ba  
itokišetša phadišano. Mmutla o be o  
iketlile, o tseba gore o tlo fenza.

Diphoofofolo ka moka tša tla go bogela.  
Tlou ya ba malokwane wa lebelo,  
'Tee-pedi-tharo, ga e ye!'




Mmutla wa kitima ka lebelo le legolo.  
Ge o lebelela ka morago wa se bone  
khudu. Wa sepela ka go iketla.

Go se go ye kae pula ya na. Mmutla  
ga o rate pula. O be o šetše o ipona e  
le mofenyi. Wa itirela bolao wa robala.

Khudu ga se ya ema le ge pula e na.  
Ya feta mmutla o sa ile ka boroko.



Ka morago ga nakwana pula ya  
emiša. Mmutla wa tsoga, wa gadima  
ka mo le ka mo la. Khudu ya se  
bonagale. Wa kitima ka lebelo gore o  
be mofenyi wa lebelo.



Ge mmutla o fihla ka khutlo ya  
mafelelo wa se dumele se o se  
bonego. Khudu e pele!

Mmutla wa kitima ka lebelo le legolo ...  
Go padile. Khudu ke mofenyi wa  
phadišano!



Diphoofolo ka moka tša sega mmutla.  
Mmutla wa lewa ke dihlong.


Khudu ya re, ‘O na le lebelo go feta  
rena, mmutla. Fela o se be le makoko  
ka lona.’

Mmutla o ithutile. Wa tlogela go kwera  
diphoofolo tše dingwe. Makoko a fela.


# Mošomo

Beakanya diswantšho go ya ka tatelano ya taodišo.


A




B




C  
1




D



E



F



Kanegelo-2q

# Tau le legotlo



**Mantšu a go balwa ka go lemogwa (poeletšo)**

nna, maatla, ntlogela

**Mantšu a go balwa ka go lemogwa**

palelwa

tiile

tšhaba

tshwarelo

**Medumo (poeletšo)**

kg, hl, ll, mm, ng, ntš, ny, sw, th, tl, ts, tš

**Medumo**

bj (bjalo, bja, bjona)

ph (phošo, bophelo, phološitše)

ngw (lengwe, sengwe, bangwe)



Ka tšatši le lengwe morutišigadi Molefe o humane Sello a lla. A mmotšiša gore o llelang.


Sello a re, ‘Thabo le Thabiso ba segišana ka nna. Ba re ke legotlo le lenyenyane. Go bohloko gobane ga ke yo mogolo le gona ke hloka maatla.’

Morutišigadi Molefe o hloka leano la go dira gore bana ba bagolo ba se segišane ka bana ba banyenyane.



Ka le le latelago a dudiša bana kamoka ga bona fase, a ba balela taodišo.

## *Tau le legotlo*



Tau e be e robetše ge legotlo le fetafeta ka lebelo sefahlegong sa yona. Ya tsoga, ya le swara.

‘Se ntše hle!’ go kgopela legotlo. ‘Ge o ka ntlogela ka tšatši le lengwe ke tlo go direla se sengwe.’

Tau ya sega. ‘Wena, wa direla nna se sengwe! O yo monyenyanne kudu! Ke go tlogela fela gobane o dira gore ke sege.’

Tau ya tlogela legotlo gore le sepele.




Matšatši a se makae, molaba wa barei  
o tantše tau. Ya leka go itokolla, ya  
palelwa. Molaba o be o tiile kudu.  
Meno le bogolo le maatla tša yona  
tša se thuše selo. Ya rora ka modumo  
wo mogolo.



Modumo wa tau wa fihla ditsebeng tša legotlo. La ya go hlola gore go direga eng.

Ge le bona tau, la thoma go kokona dithapo tša molaba ka meno a lona a bogale. La dira bjalo go fihlela le dira lešoba le legolo la go lekana gore tau e kgone go tšhaba.



Tau ya lebelela legotlo e inamišitše hlogo. 'Ke lebogile wena, legotlo la go loka. Ke segile bonyenyane bja gago ka phošo. Ge e le bophelo bja ka bjona o bo phološitše.'

Ge morutišigadi Molefe a feditše go ba balela taodišo, a hlaloša molaetša wa yona – se nyatše bonyenyane bja motho.



Thabo le Thabiso ba kgopela Sello tshwarelo. Ba ana gore ba ka se sa segiša ka bana ba bangwe gape.

## Mošomo

Ke lefoko lefe le nyalanago le seswantšho ka nepagalo?

1.



- A. Tau ya swara legotlo.
- B. Legotlo la swara tau.
- C. Tau ya ja legotlo.

2.



- A. Tau ya lokologa.
- B. Tau e be e thabile.
- C. Tau e be e swaregile.

3.



- A. Legotlo ga le a thuša tau.
- B. Legotlo le thušitše tau.
- C. Tau e thušitše legotlo.

4.



- A. Tau ya sega legotlo.
- B. Legotlo le be le tšhaba tau.
- C. Tau ya leboga legotlo.

## Re paka le koko



**Mantšu a go balwa ka go lemogwa (poeletšo)**

nna, maatla

**Mantšu a go balwa ka go lemogwa**

mogwera

onto

sebjaneng

vanilaesense

nkga

hlwekiša

**Medumo (poeletšo)**

ee, kg, hl, ll, ng, ny, sw, th, tl, ts, tš

**Medumo**

šw (dirišwa, didirišwa, hlapišwa)

tsw (letsawai, metswako, motswako, tswaka, latswa, matswalo)

tšh (tšhuma, tšhela, tšhipi)

Nna, koko le mogwera wa ka Kolo re paka dikuku. Etla o bone!

Koko o tšhuma onto ya setofo. Re hlapa diatla ke sesepe. Ke nako ya go paka!



Koko o re ruta go ela folouro ka go diriša komiki. O tšhela puere ya go paka le **letswai**. O re laetša tsela ya go sefela metswako ka sebjaneng.



Koko o thubela **mae** a mabedi ka sebjaneng. Kolo o tshela komiki ya **swikiri**. Ka tshela **lebese** le **oli**. Koko a feleletša ka go tshela lelepolana la **vanilaesense**. Mmmm, di nkga bose!



Go dirišwa lefehlo la motlakase go tswaka metswako ya gagwe ga botse.

Ge Koko a le gare a tswaka motswako, nna le Kolo re tlotša dipane ka botoro.

Koko a tswaka go fihlela motswako o eba boreledi, bonolo le bobebe.

Motswako o lokile.



Koko o re ruta go tlatša dipane ka motswako wa go lekanelo. Nna le Kolo re leka ka maatla go ekiša ka mo koko a dirago ka gona. Koko o re re se tlatše dipane go fetišiša ka ge dikuku di hloka sekgoba sa go kokomoga.



Koko o bea dipane ka ontong.  
A re lebelela ge re latswa malepola.  
Ra re, 'Koko, re go hlwekišetša  
didirišwa tše!'

Koko a sega. 'Difahlego tša lena le  
tšona di nyaka go hlapišwa!'  
Ra thuša koko go hlwekiša.



Tšhipi ya setofo ya lla. Dikuku di lokile!  
Koko a tloša dipane. A di bea godimo  
ga setofo gore dikuku di fole.

Ka tswaka swikiri ya aesing le meetse  
go ya ka moelo wo koko a o dirilego.  
Kolo a lata dikgabiši.



Ke nako ya go kgabiša dikuku.  
Re gašanya swikiri ya aesing godimo  
ga dikuku. Ra tlaleletša ka malekere.  
Malekere a dira gore dikuku di bogege  
le gore di be bose.  
Re tlo di ja gosasa ka letšatši la  
matswalo a koko!

# Mošomo

Bala resipi ya go dira dikuku.

## Resipi ya dikuku

### Ditswaki (di dira dikuku tše 24)

- 2 komiki folouru
- 2 malepolana a puere ya go paka
- $\frac{1}{2}$  lepolana la tige la letsmai
- 2 mae
- 1 komiki ya swikiri
- $\frac{1}{2}$  komiki ya lebese
- $\frac{1}{2}$  komiki ya makhura
- 1 lepolana la tige la vanilaesense



### Tselo ya go paka dikuku

1. Sefa motswako wa folouru, puere ya go paka le letsmai.
2. Hudua mae o a hlakantšhe le motswako.
3. Tšhela swikiri, lebese, oli le vanilaesense.
4. Hlakantšha go fihlela di e ba boleta.
5. Tšhela dipaneng tše tloditšwego makhura.
6. Paka nako ya go lekana metsoto ye 15 ka phišo ya 180°C.


## Resipi ya aesing

(ya dikuku tše 24)

- $1\frac{1}{2}$  komiki ya swikiri ya aesing
- 3 malepola a meetse

# Kanegelo-3I

# Toropo ya gešu



**Mantšu a go balwa ka go lemogwa (poeletšo)**

nna, nka

**Mantšu a go balwa ka go lemogwa**

ampolense

balwetši

tšhwaana

**Medumo (poeletšo)**

ee, kg, kh, hl, ll, ng, ntš, th, tl, ts, tš



**Medumo**

oo (bookelong, bookelo, **yoo**, **moo**)

ph (sehlopha, maphodisa, **phološa**, maphe<sup>l</sup>o)

ngw (ngwala, mangwalo, mohlomongwe, lengwe)


tšh (setšhaba, tšhoganetšo, **tšhaba**)



Dumelang! Leina la ka ke Paledi. Ke tlo le supetša toropo ya gešu. Ke rata baeng!

Se ke sekolo sa rena. Ke bala kereiti 2. Ke rata sekolo.

Morutišigadi wa rena o re ruta go bala le go ngwala. O bohlale, o lokile ebile o na le bopelotelele.



Ye ke kereke ya  
rena. Nna le ba  
lapa lešu re rapela  
gona.

Re a neela ka  
kerekeng ge  
go kgonagala.

Moruti o a re  
rerela a be a re  
rapelele. Ke  
moetapele wa  
sehlopha sa  
baopedi ba kereke.  
Ebile ke moetapele  
wa setšhaba.



Se ke seteišene sa maphodisa.

Maphodisa ba re šireletša le go bona gore re bolokegile.  
Ba re thuša ka nako tša tšhoganetšo.

Ke rata go namela koloi ya bona ya lebelo, ya go ba le molodi wa temošo!





Mo ke ga  
borasetima mollo.

Ke rata koloi ya  
bona ye kgolo e  
khubedu! E na le  
leri ye telele le  
meetse a go tima  
mollo.

Boraditima mollo ba  
bogale. Ba tloša  
batho meagong ye  
e tukago mollo.






Mo ke bookelong.  
Yela ke ampolense.  
E phološa maphelo  
a balwetši le  
bagobadi ka go ba  
tliša bookelong.


Baoki ba thuša  
dingaka go re  
hlahloba le go re  
alafa. Ba re fa  
dihlare le go re  
hlaba tšhwaana.  
Yo! Ke tšhaba  
go bona nalete!





Bona bokgobapuku.  
Ke lefelo le le  
homotšego, la khutšo  
mo re balelago  
gona.

Rabokgobapuku o  
re fa maele mabapi  
le dipuku tše bose.  
O re hlohleletša go  
godisha tsebo. O re  
adima dipuku gore  
re ye go di bala  
magaeng a gaborenna.







O reng? Yoo, ke nako  
ya gore le sepele?  
Ke na le leano –  
ga re fane diaterese.  
O bona poso?  
Ke tlo romela  
mangwalo a gago  
gona moo. A gago  
raposo o tlo a tliša  
ka gešu.

Mohlomongwe le nna  
nka etela toropo ya  
geno ka lengwe la  
matšatši!

# Mošomo

Ke mang yo a šomago mo? Nyalanya lefelo le motho ka nepagalo.



Kanegelo-32

# Afrika Borwa ya rena



**Lentšu a go balwa ka go lemogwa (poeletšo)**

**diphooftolo**

**Mantšu a go balwa ka go lemogwa**

Afrika Borwa

mpsha

ngwala

nkwe

thutlwā

diphenkwini

mpšhe

bošweu

moserolwane

**Medumo (poeletšo)**

ee, kg, kh, hl, ng, ny, th, tl, ts, tš

**Medumo**

**nt** (moporesidente, ranta, diranta, sente, disente)

**ph** (phooftolo, diphooftolo, tshephe, sehlopha, diphenkwini)

**tsh** (tshela, tshephe, tshunyalera)

**tšh** (setšhaba, bosoetšhaba, tšelete, tšeleteng, tšhukudu)

Afrika Borwa e mpsha e thomile ka 1994.

Ra amogela moporesitente Nelson Rolihlahla Mandela. Ra ba le koša ye mpsha ya setšhaba. Ra ba le folaga ye mpsha ya mebala ye tshela.



Madiba



folaga ya bosetšhaba



moeno wa naga

koša ya bosetšhaba

#### Nkosi sikelel' iAfrika

Nkosi sikelel' iAfrika  
Maluphakanyisw' uphondo lwayo,  
Yizwa imithandazo yethu,  
Nkosi sikelela, thina lusapho lwayo.

Morena boloka setjhaba sa heso,  
O fedise dintwa le matshwenyeho,  
O se boloke, O se boloke setjhaba  
sa heso,  
Setjhaba sa South Afrika – South Afrika.

Uit die blou van onse hemel,  
Uit die diepte van ons see,  
Oor ons ewige gebergtes,  
Waar die kranse antwoord gee,

Sounds the call to come together,  
And united we shall stand,  
Let us live and strive for freedom,  
In South Africa our land.

Tšhelete ya rena ke diranta le disente.  
Re di ngwala ka tsela ye: ranta – R,  
sente – c.

Tšhelete ya rena e na le moeno wa setšhaba ka pele, ka morago e na letšoba goba phoofolo ya Afrika Borwa.

### Ka pele



### Ka morago



### Ka morago



R10 – tšukudu

R20 – tlou

R50 – tau



R100 – nare



R200 – nkwe

Diphooftlo tše di lego  
tšheleteng di humanega  
dirapeng tša diphooftlo.

Re na le ye kgolokgolo (tlou),  
ye teleletelele (thutlwa), ya  
lebelo le legologolo (lepogo).


Phoofolo ya bosetšhaba ke  
**tshephe**. Sehlopha sa rena sa  
rakpi se tsebega ka “*Springboks*”.



phoofolo ya bosetšhaba:  
**tshephe**



tlou



thutlwa



lepogo



tau



tholo



nkwe



tšhukudu



nare



kgokong

Nonyana ya bosetšhaba  
ke **mogolodi**. Ke ye  
telele ye botse.

Re humana mehuta ya  
dinonyana tša go  
fapano mo Afrika  
Borwa.



nonyana ya bosetšhaba:  
**mogolodi**



dimpšhe



phenkwini

Ka bobedi mehuta ye ya dinonyana ga  
di kgone go fofa.

Re na le **diphenkwini**  
tša mebala ya boso le  
bošweu. Di dula pele  
ga lewatle, di sesa ka  
lebelo le legolo.

Hlapi ya bosetšhaba ke galejone. E humanega fela lewatleng la Afrika Borwa.


Mawatle a rena a na le dibopiwa tša go makatša. Di akaretša maruarua a magolo, dišaka tše kotsi le ditolofini tše bohlale. Go humanega gape le dihlapi tša go fapanafapana ka mebala, seemo le bogolo.



hlapi ya bosetšhaba: **galejone**



maruarua



šaka le dihlapi



tolofini



khudu ya ka meetseng  
(tshungaleraga)

Letšoba la bosetšhaba ke **poroteya**. Sehlopha sa rena sa setšhaba sa kerikete se tsebagala ka leina la “*Proteas*”.



mohlare wa bosetšhaba: **moserolwane**

Mohlare wa bosetšhaba ke **moserolwane**. Ke mohlare wa kgale kudu.




**leganata**



**noka**



**thaba le lewatle**




**sethokgwa**



Re setšhaba sa molalatladi.  
Re bolela maleme a go fapanā.  
Re na le ditšo tša go fapanā.  
Re ja dijo tša go fapanā.  
Re na le ditumelo tša go fapanā.  
Re Ma-Afrika Borwa ka moka.  
Afrika Borwa ke ya rena.

# Mošomo


Tlatša dikgoba mafokong ka go hlatha dika tša bosetšhaba.



mogolodi



poroteya



tshephe



galejone



diranta le disente



moserolwane



Nkosi Sikelel' iAfrika

1. Tšhelete ya rena e bitšwa \_\_\_\_\_.
2. Koša ya bosetšhaba ke \_\_\_\_\_.
3. Phoofolo ya bosetšhaba ke \_\_\_\_\_.
4. Nonyana ya bosetšhaba ke \_\_\_\_\_.
5. Hlapi ya bosetšhaba ke \_\_\_\_\_.
6. Letšoba la bosetšhaba ke \_\_\_\_\_.
7. Mohlare wa bosetšhaba ke \_\_\_\_\_.

## TO PARENTS / GUARDIANS

### **What is this book?**

This book is a collection of stories at the right level for your child's grade. The stories at the beginning of the book are easier to read than the stories at the end.

### **Should I be using this book at home or is it only for school?**

Both – your child will read this book at school and you should read from it at home with them every day. The more children read, the better they get at reading. Help your child to look after the book and pack it back in their school bag after reading. Your child must take the book to school every day.

### **How should I help my child practise?**

Encourage your child to read aloud from this book to you or any family member every day. They can also read the book silently on their own. Alternatively, you or another family member can read the story to them. Make reading a fun daily activity in the home. Even ten minutes of reading a day can make a big difference to your child.

Reading well takes time and practice so encourage your child to read often. Making mistakes is a normal part of reading, so encourage and praise your child and help them when they get stuck. Take an interest in what the story is about and what happens in the story. Ask your child lots of questions and encourage them to talk about what they have read. It is important that your child understands the meaning of what they are reading.

### **How do I know which story my child should be reading?**

The teacher will usually suggest which story your child should be practising. It is important that your child is able to read most of the words in the story. If the story is too difficult, they will struggle and not enjoy reading. If they are struggling, find an easier story. The idea is to build confidence by getting them to read at the right level. It is good to get your child to re-read the same story a few times before moving on to the next story.

### **What if my child loses this book?**

Make sure that your child's name is written clearly on the book cover. If possible, cover the book to protect it. It is important to teach children how to care for books. They should not bend the covers or pages backwards, and they should always wash their hands before handling a book. Please keep the book away from babies to avoid it getting damaged. If the book gets lost or badly damaged, please speak to the teacher so that she can see if she has any extra books. It is really important that your child takes care of their book and does not lose it.

*Enjoy reading with your child!*

## CO MOTSWADI/MOHLOKOMEDI

### Puku ye ke eng?

Puku ye ke kgoboketšo ya dikanegelo tše di lego maemong a maleba a bana ba gago. Dikanegelo tša mathomo di bonolo go bala go feta tša mafelelo.

### Nka diriša puku ye ka gae goba sekolong fela?

Mafelo ka bobedi – ngwana wa gago o tlo bala puku ye sekolong gomme wena wa mmalela yona ka gae tšatši ka tšatši. Bana ba ba balago ka mehla ba tlwaela go bala. Thuša ngwana wa gago go hlokomelia puku le go e swara gabotse gomme ba e be a ka mokotleng wa dipuku ka morago ga go bala. Ngwana wa gago a ye le yona sekolong tšatši ka tšatši.

### Nka thuša bjang ngwanaka go itlwaetša?

Hlohleletša ngwana wa gago gore a go balele goba a balele leloko la lapa tšatši ka tšatši. A ka ipalela teng. Wena goba leloko la lapa le ka mmalela kanegelo. Dira gore go bala e be selo sa go ka ipshina sa letšatši le letšatši. Le ge e ka ba metsotso ye lesome ka letšatši e ka dira phapano ngwaneng wa gago.

Go bala gabotse go tšea nako le go ka itlwaetša, ka gona hlohleletša ngwana wa gago go bala ka mehla. Gore ngwana wa gago go dira diphošo go tlwaelegile, ebile ke seripa sa go ithuta, hlohleletša le go reta ngwana mo a šitwago. Bontšha kgahlego go seo ba se balago le se se diragago taodišong. Botšia dipotšišo le go mo hlohleletša go bolela ka seo a se badilego. Go bohlokwa gore ngwana wa gago a kwišiše se ba se balago.

### Ke tseba bjang gore ngwanaka o bala taodišo efe?

Morutiši ke yena yo a akanyago le go šišinya gore ngwana wa gago o bala le go dira tlwaetšo ka kanegelo efe. Go bohlokwa gore ngwana wa gago a kgone go bala mantšu a mantši. Ge kanegelo e le bothata e tlo mo swariša bothata le gona baka se ishine ka yona. Ge a hwetša bothata ka yona o mo kgethele ye bonolo. Maikemišetšo ke go aga boitshepo gore ba kgone go bala go ya ka maemo a bona. Go bohlokwa gore ngwana bale taodišo leboeletša pele a ka fetela go ye nngwe.

### Go diregang ge ngwana a timeditše puku ye?

Dira bonnete gore leina la ngwana le ngwadilwe letlakaleng la mathomo la puku. Ge go kgonega apeša puku go ka ešireletša ditšhila. Go bohlokwa go ruta bana go hlokomela dipuku. Ba se di kobe, le gona ba hlape diatla pele ba swara dipuku. Be a puku kgole le masea gore a se e senye. Ge puku e timetše goba e sentšwe ke masea, boledišana le morutiši go bona ge go na le dipuku tša tlaleletšo. Go bohlokwa ngwana wa gago go hlokomela puku ya gagwe gore e se timele.

*Ipshine ka go bala le ngwana wa gago!*

